



REPUBLICA E SHQIPËRISË
UNIVERSITETI I TIRANËS
REKTORATI
Drejtoria Juridike

SHESHI "NËNË TEREZA", REKTORATI I UT-së, TIRANË
TEL. +4 228402, FAX: +4 223981

Nr. 16-K/1 Prot.

Tiranë më 26.5.2015

Lënda: Kthehet përgjigje

Kërkuesit: Sokol Abazi

*Adresa: Rr. "Todi Shkurti",
nr.9, shk.2, H.2, Lagjia 1,
Email: sokolabazi@hotmail.com
Tiranë*

Qendrës "Res Publica"
Përfaqësuesit Dorian Matlija

*Adresa: Blv. "Gjergj Fishta",
Ndërtesa 24, Hyrja 3, ap.44
Email: dorian.matlija@gmail.com
Tiranë*

Në cilësinë e kërkuesit keni depozituar pranë Universitetit të Tiranës, në përputhje me nenin 11 të Ligjit nr.119/2014, "Për të drejtën e Informimit", kërkesën për dhënie informacioni mbi procesverbalet e mbledhjeve të Senatit Akademik të UT ku janë aprovuar buxhetet për vitet 2009-2015 dhe kopje të tyre, procedurat që ndjek SA për zbardhjen e procesverbaleve të mbledhjeve dhe komunikimin tek anëtarët e SA, tenderat publikë të UT mbi 500,000 lekë në vitet 2008-2014, përfshirë objektin, datën, shumën, operatorët fitues, kontratat e lidhura, rregjistruar me numër rendor 16-K datë 22.5.2015 (sipas Rregjistrimit përkatës të kërkesave dhe përgjigjeve).

Lidhur me kërkesën e parë sqarojmë se çdo informacion të nevojshëm për funksionimin dhe veprimtarinë e organeve kolegjiale të Universitetit të Tiranës, përfshirë këtu edhe vendimmarrjet e Senatit Akademik, i gjeni në portalin unitir.edu.al dhe në Programin e Transparencës të miratuar më 24.3.2015. Ky program është miratuar në zbatim të ligjit nr.119/2014 datë 17.10.2014, me hyrjen në fuqi të të cilit, ka lindur detyrimi i administratës shtetërore të bëjë transparente veprimtarinë e vet, me kërkesë të çdo personi fizik apo juridik, pa qenë i detyruar të shpjegojë motive (neni 3 i ligjit). Përsa i takon buxhetit të institucionit, organi kompetent që miraton atë është Këshilli i Administrimit, vendimi i të cilit miratohet më pas nga Ministria e

Arsimit dhe Sportit dhe Ministria e Financave. Për këtë arsye çdo vit, buxheti i UT dhe shpenzimet e tij, publikohen nga portali i Degës së Thesarit. Nga ana tjetër, institucionet audituese si MAS dhe KLSH kanë audituar buxhetin e UT dhe kanë dhënë rekomandimet përkatëse të cilat, për periudhat që kërkon, mund t'i konsultoni në portalet e këtyre institucioneve.

Lidhur me kërkesën e dytë, sqarojmë se mbledhjet e Senatit Akademik të UT zhvillohen në përputhje me Statutin e UT, si dhe me ligjin nr.8480 datë 27.5.1999 “Për funksionimin e organeve kolegjiale të administratës shtetërore dhe enteve publike” dhe në po të njëjtën mënyrë mbahen procesverbalet dhe bëhen njoftimet përkatëse.

Lidhur me kërkesën e tretë, sqarojmë se i gjithë informacioni për prokurimet që zhvillohen në UT, përfshirë këtu procedurat e tenderave, kontratat e lidhura dhe ekzekutimi i tyre, janë informacion që bëhet publik në mënyrë të detyrueshme në portalin app.gov.al, në zbatim të ligjit nr.9643 datë 20.11.2006 “Për prokurimin publik” i ndryshuar. Ndaj, për këtë arsye, informacionin që ju nevojitet, mund ta merrni në këtë portal.

**REKTORI
DHORI KULE**

